

# **1 Peter**

## **Tiroma Leta**

## **Peter Mo Ulia**

## **Leta Nike**

Hin leta nike Peter mo sorahi mauri atu mo lavi na rani ūilangi nona kalesia hinia. Mo vujangia vara hin malele atu Moli mo lo vaihite na rasua nona nona tamlohi hinia. Leta nike mo lo vano isana kalesia tari sei la lo toho ūalihi na jara matan Asia Minor. Tamlohi la sopo rasu Iesu, la sile na rani ūilangi isara, ale Peter mo verea vara la pa tatamahu mata turu ūilangi matan la pa mele lavia.

Peter mo retituetuenira na nora rani ūilangi, ale mo verea mara mo tataholo vara la avulahi matana, matan vara la jeua God i pa silera na otori ūruhi hin rani atu vara Iesu i mele pala na varama (1.6–7).

Peter mo verea isara mara Křisto sohena mo lavi na rani ūilangi na varama, i pa tataholo vara nona tamlohi usuri la lavia pani mata posposi tataholo purongo, mo sopo mata posposi sasati (2.18–25; 4.12–17).

Matan Křisto sohena, mo lavi na rongohaji na rani mo mate mata nořa hehe vahatea mata rani tari, enia mo sopo lo hehe hin te rani, pani mo mate mata tamlohi hehe matan vara i eři lavířa ūai isan God. Epena mo mate, pani mo mele turu, mo mauri na suihan Tanumen God. (3.18)

### **Hin leta nike**

1. Retioloolo peresi na usiusi (1.1–2)
2. Hinau mata ūomtoho (1.3–12)

3. Hahau usuri na posposi tapu non God (1.13–2.17)
4. Tovongi non Křisto (2.18–25)
5. Rani řilangi nona kalesia (3.1–4.19)
6. Retituetueni mata patu tamlohi kalesia (5.1–11)
7. Isoiso retiololo (5.12–14)

<sup>1</sup> Enau Peter, vahařule matea non Iesu Křisto, na lo uli leta nike, mo vano isan la haratu God mo viřonira la lo toho sohena vinano na province matan Pontus, Galatia, Cappadocia, Asia peresi Bithynia, <sup>2</sup> God Tama mo pete viřoni kamim tuai moiso usuri na masalona, ale Tanumena mo tapuhi kamim mata mauri tapu, ale matana, ka lo oololo hin Iesu Křisto, ale ţaena mo vai kamim ka vokevoke. Romřuhu peresi na tamata la pa mařivi savulevule hin kamim.

### *Mauri Tui*

<sup>3</sup> Oololo tavera isan God sei Taman nořa Moli Iesu Křisto! Na nona ţomopoia tavera mo vairā ţa mele vora, ale nořa ţomtoho mo lo mauri, mo mauri matan Iesu Křisto mo sauteterahi na mateia, <sup>4</sup> ale God mo tau mamahuni mauri atu sei mo ţuhuřuhu jea matamim na tuka sei i pa sopo eři ţovo, i pa sopo eři komo, ale i pa toho jejeu, <sup>5</sup> ale God na nona suiha tavera mo lo matahi kamim na malele mata rasua, i vano i tikeli rani atu i vujangi mauri ţuhuřuhu atu mo tatamahunia moiso matamim na pongi hitahu. <sup>6</sup> Ale harihi natu, mo vai kamim ka avulahi tavera, hina purongo vara nake God mo opoia vara ha pa lavi te rani ţilangi matan te makomo rani, <sup>7</sup> rani ţilangi tinatinapua la pa lo vaihite na nomim rasua vara mo ţilangi

sohena sava. Nomim rasua enia hina ūhu matea mo jeu gold atu sei la sulia na hapu mata ūhina. Ale vara nomim rasua mo lo turu, ha pa lavi na hasohaso peresi na hija ūhu peresi na oolo lo tavera hin pongi atu Iesu Křisto i pala hinia,<sup>8</sup> hina purongo vara ka sopo lo hitea hin te rani, ale ka sopo hitea nakerihi, pani ka lo opoia, ale ka lo rasua, ka lo avulahi tavera jea matana, avulahi tavera atu na mapumim mo sopo tea i eři verea,<sup>9</sup> mata vua nomim rasua enia maurimim la pa juri. <sup>10</sup> La přovet atu tuai sei la lo retimangovi na hina ūhu ūhu sei vara la pa nomim, enira la ale, ale la vaihite mamahunia, <sup>11</sup> la opoia vara la levosahia vara sava tamlohi natu, teni pongi tataholo natu, Tanumen Křisto hinira mo lo verea, matan mo lo vereulia tuai moiso vara rani ūlangi atu non Křisto i pa sohena sava, ale hasohasona matan pongi hitahu atu la pa sohena sava.

<sup>12</sup> Ale God mo verea isara vara la hinau sei la pa sopo masese isara, pani isamim nake, ale nake, God na tuka mo ūrule na Tanume Tapu vara i tueni la haratu la lo retivujavujangi na Retiūhu isamim, la hinau sei angelo la opoia tavera vara la pa levosahi mamahunira.

<sup>13</sup> Matana, ha tatamahuni na ūromimim mata vavahinau, ale ha hase taurilati kamim, ha tau vevuhi na nomim ūromtoho hin ūromřuhu atu sei i pa mai isamim hin rani atu Iesu Křisto i pa mele pala hinia. <sup>14</sup> Sohena natuvarihi la oolo, ha sopo sarete vara ha mele sivo na masalomim matan tuai, <sup>15</sup> pani matan God atu sei mo tovi kamim enia mo tapu, ha tapu na nomim hahau. <sup>16</sup> Matan la ulia na Retiulia moiso vara, ‘Ha pa tapu, matan

enau na tapu'.

*Lev 11.44*

<sup>17</sup> Ale sohena ka tovia Tamamim, ha lo levosahia vara enia mo sopo tametame tea na nona aria mata vavahinau nona tamlohi hatehateahi, i pa ūruhu isamim vara ha hahau na nahona na oolo tavera jea tarea matan nake ka lo vinano hin varama nike, <sup>18</sup> ka levosahia vara mo volituhu kamim na nomim posposi ūromvono sei ka lavia isana pimim tuai. Mo sopo volituhu kamim na hinau la eři ūrovo sohena silver teni gold, <sup>19</sup> pani mo volituhu kamim na ūraen Křisto, volina mo aulu jea, sohena ūrae natu sipsip matea mo vokevoke ūruhu jea. <sup>20</sup> God mo vřonia tiroma na pulo varama, pani mo pa vuhesia na isoiso rani matamim, <sup>21</sup> hin Křisto kamim ka lo rasu God, mo sauteterahi Křisto na mateia, ale mo silea na hasohaso tavera matan vara nomim rasua peresi na nomim ūromtoho la pa lo toho isan God. <sup>22</sup> Maurimim la vokevoke matan ka oolo na retivararuhu, ale matana, ha opoiopoi kamim vararuhu, ale ha opoiopoi kamim i ūilangi na mapu vokevoke, <sup>23</sup> matan ka mele vora paro, mo sopo na piri mata ūrovo, pani hin haratu i pa sopo eři ūrovo matan enia reti mauri non God sei mo lo toho jejeu; <sup>24</sup> mo verea vara, ‘Tamlahi tari la sohena ūvuvuřuvu, nora hasohasso mo sohena vira ūvuvuřuvu. Ale vara ūvuvuřuvu mo mahoa, virana la pa jovi, <sup>25</sup> pani reti non Moli i pa toho jejeu.’ *Isa 40.6–8* ale reti nike enia Retirahu atu sei la lo retivujavujangia isamim.

## 2

*Vatu Atu Mo Mauri*

<sup>1</sup> Matan haratu, ha tau nařihi na posposi vaisatihi na tinapua tari, posposi halu tari, tap-netano, ūromusuri peresi na retiřeřen tari, <sup>2</sup> ale sohena pipi matea mo pa vora, ha pa mařohu matan wai susu varařuhu atu Tanumen God mo lo silea, matan vara hinia, ha pa ulua na mauri ūruhu sei ka juri hinia, <sup>3</sup> vara varauhu ka inu rongorongo na ūromuřuhu non Moli moiso, <sup>4</sup> ale ka lo mai isan Křisto. Enia natu, vatu atu mo mauri, tamlohi la tipahia, pani God mo viřonia, mo ūruhuřuhu jea, <sup>5</sup> kamim sohena, ka sohena vatu sei la mauri, God mo voro kamim sohena iman Tanume Tapu matea, matan vara ha pa vao přis tapu matea mata sile na silesilea sei God mo avulahi hinira hin Iesu Křisto. <sup>6</sup> Matan Retitapu mo lo verea vara,

‘Ka hitea, enau na lo tau na vatu matea hin Zion,\*  
 enia tapulo pulo vatu sei na viřonia,  
 mo ūruhuřuhu jea,  
 ale sava tamlohi mo tau na nona rasua hinia,  
 ūromina i pa sopo eři jovi hin te pongi matana.’

*Isa 28.16*

<sup>7</sup> Ale matan haratu, isamim ka lo rasua, enia mo ūruhuřuhu jea, pani isan la haratu la sopo rasua, Retiulia mo lo verea vara,  
 ‘Vatu atu tamlohi voro ima la tipahia,  
 enia mo mai tapulo pulo vatu mata ima.’ *Psa 118.22*

<sup>8</sup> Ale,

‘Tamlohi la pa tialahalaha hinia,  
 enia vatu mata vai na tamlohi la jovi hinia.’  
*Isa 8.14*

---

\* **2:6:** Zion: Zion enia Jerusalem

La tialahahaha hinia matan la sopo ooloolo na nona reti, la jovi sohen haratu matan God mo taua sohena matara moiso.

<sup>9</sup> Pani kamim vao tamlohi matea God mo vīroni kamim isana vao tamlohi tinatinapua, ka vao p̄ris matea la supe, ka vao tamlohi tapu matea, ka vao tavera matea God mo tapuhi kamim vara nona, matan vara ha pa vereuli na nona vavahinau ūruhu ūruhu matuvana, enia mo tovi kamim ka malue na ūrōha, ale ka mai na nona malarani ūruhu ūruhu.

<sup>10</sup> ‘Tiroma ka sopo nona vao tamlohi matea, pani nake, ka tamlohi non God, tiroma ka sopo lavi te ūromopoia, pani nake, ka lavi na ūromopoia non God.’ *Hos 1.6, 9; 2.23*

<sup>11</sup> La tapalaku ūruhu ūruhu, kamim ka sohena vinano hin varama nike, ale na lo retituetueni kamim hinia vara ha toho asau na masalo sasati sei mo lo vai na vuro na maurimim. <sup>12</sup> Ha vai na posposi tataholo na naho tamlohi ūrōha, hina purongo vara la pa verea vara kamim tamlohi sasati, matan la pa hite na nomim vavahinau ūruhu, ale la pa tahe na hijan God aulu matana hin pongi atu vara mo pala.

### *Ha Sile Na Ooloolo Isan La Haratu La Aulu*

<sup>13</sup> Ha vai Moli i avulahi tarea na nomim ooloolo na tamlohi tari la aulu, vara isan te Supe nona mara Rome sei mo lo tauri na suiha, <sup>14</sup> teni isan te nona tamlohi tatavera sei mo lo ūlula vara la sile na talai isan la haratu la vai te hehe, ale vara la sile na hasohaso isan la haratu la vai te vavahinau ūruhu.

<sup>15</sup> Matan enia masalon God, vara ha vai na vavahinau ūruhu matan i pa horo na ūromvono non

la haratu la rongorongo vono. <sup>16</sup> Ha lo toho sohena tamlohi materi, pani ha sopo ūromūromia vara enia masapa matea mata vai te hina hehe, pani ha lo toho sohena volitusi non God. <sup>17</sup> Ha sile na ooloolo isana tamlohi tari, ha opoi la haratu la rasua, ale ha matahun God, ha sile na ooloolo isan supe matan Rome.

### *Slev*

<sup>18</sup> Volitusi, ha hase tau kamim na liman nomim tamlohi tavera na nomim ooloolo tari, mo sopo isan la haratu la ūruhu teni la ūommalam purongo, pani isan la haratu la tamlohi ūrilangi sohena. <sup>19</sup> Matan God mo avulahi hin kamim matan nomim ūromūromi hin God mo vai kamim ka lo turu ūrilangi na rani ka lo lavi na rani ūrilangi mata nora posposi ūrilangi sei mo sopo matan te hinau ka vai mo sati. <sup>20</sup> Ka hite na sava hinau mo ūruhu hinia vara ka lo turu ūrilangi na rani ka lavi na talai matan te nomim hehe? Pani vara ha vai na vavahinau ūruhu, ale ha lavi na rani ūrilangi matana, pani ka turu ūrilangi hinia, haratu natu, God mo avulahi hin kamim matana.

<sup>21</sup> God mo tovi kamim matan harihi, matan Kristo sohena mo lavi na rani ūrilangi matamim, mo tau na toyongi matea vara ha pa eři usuri na palona, <sup>22</sup> enia mo sopo vai te hehe teni te halu i malue na jingona. <sup>23</sup> Na rani la lo veresasatia, mo sopo kelera, ale na rani la silea na rongohaji, mo sopo talaira, pani tarea mo lo hase taua na liman God sei mo lo ari tataholo tarea. <sup>24</sup> Enia mo hasena lavi nařihi na nořa hehe na epena hin rani atu mo sevu na talopeilopei matan vara ūra pa mate na nořa mauri hehe, ale ūra mauri na posposi tataholo. Ka mai ka ūruhu matan rongohaji atu mo

lo lavia na epena. <sup>25</sup> Matan kamim ka jalio sohena sipsip, pani nake ka mele mai isan tavuimim, enia haratu mo lo matahi na maurimim.

## 3

### *Hařai Lahi*

<sup>1</sup> Ale sohena, hařai lahi ha toho na ruhuruhu suihān tuamim, hina purongo vara la sopo oolo lo na reti non God, la pa rasua, mo sopo matan te reti ka verea, pani hina posimim purongo, <sup>2</sup> vara la hite na nomim posposi vokevoke matan ka matahun God.

<sup>3</sup> Ha sopo ūromūromia vara sava ka vaia na epemim purongo i pa vai kamim ha ūruhu, vara hinau sohena peri vulu teni, tau na hinau la vaia na gold, teni ka ruru na ruru ūruhu, <sup>4</sup> pani ha ūromūromi na sava mo vai kamim ka ūruhu na lolo mapumim i pa sopo eři ūrovo sohena posposi ūromatano, ale posposi malum, enira la ūruhu ūruhu jea na nahon God, <sup>5</sup> matan tuai mo sohena, hařai tapu enira la haratu la lo ūromtoho hin God, enira la hasera vaira la ūruhu na nora posposi oolo oolo isana tuara, <sup>6</sup> sohen Sarah mo oolo oolo hin Abraham mo tovia mara ‘noku tamlohi tavera’. Ale kamim ka mai venatuna tatahōlo vara ha lo vai na hina ūruhu, ale ha sopo matahu, ha turu ūrilangi vara la ngurunguru hin kamim hin te hinau mo sopo tatahōlo vara ha vaia.

### *Tamlohi Lahi*

<sup>7</sup> Tamlohi lahi, sohena, ha toho peresi na naroumim, pani ha sopo ūromaliho vara enira la sopo ūrilangi sohemim, pani la malum matan enira

hařai. Ha sile na oloolo isara matan enira sohemim, la lavi mauri paro atu God mo silea moiso, vara i vono, God i pa sopo rongo na nomim usiusi.

### *Kalesia Tari*

<sup>8</sup> Ale isoisona, kamim mo isoiso, ha matea na ūromimim, ha ūromūromi na tinapua, ha opoiopoi kamim na ūromopoa, ha ūromatano, <sup>9</sup> ha sopo kele na posposi sasati teni te retileji, mo vono, pani ha leřuhu, matan God mo tovi kamim vara ha pa lavi na nona leřuhu. <sup>10</sup> Matan Retitapu mo verea vara, Vara tea mo opoia vara i opoi na mauri, ale i hite na rani ūruhu,

i pa isoiso na nona retiretileji,  
ale i isoiso na nona retiretihalu;

<sup>11</sup> i pa vahaři na posposi hehe,  
ale i vai na vavahinau ūruhu,  
i pa ale na tamata, i tutunguia.

<sup>12</sup> Matan, matan Moli la lo kilau la haratu la tataholo,

ale perona la lo roi na nora usiusi.

Pani Moli mo lo turuleji isan la haratu la lo vai na hehe.'

### *Psa 34.12–16*

<sup>13</sup> Ale hare natu, i pa komo kamim vara ka opoia ūrilangi vara ha vai na posposi ūruhu? <sup>14</sup> Pani hina purongo vara ka lo lavi na rani ūrilangi mata nomim posposi tataholo, God i pa leřuhu hin kamim matana. Ha sopo matahunira teni ha ūromkaka. <sup>15</sup> Pani ha vai Křisto i Moli na maurimim, ale ha tatamahu tarea mata ha ūrarami tea vara i usi kamim hin te retiusia vara ka lo ūromtoho hinia mata sava. <sup>16</sup> Pani ha vaia na posposi malum peresi na oloolo tavera, ha turu ūrilangi na posposi ūruhu matan vara tea i veresatihi kamim matan te

nomim vavahinau ūhu sei ka vaira hin Křisto, ale la pa mahanuhanu matana. <sup>17</sup> Vara masalon God mo sohena, mo mele ūhu vara ha lavi na rani ūlangi mata nomim posposi ūhu ka lo vaira, mo jeua vara ha lavia mata posposi hehe.

<sup>18</sup> Matan Křisto sohena, mo lavi na rani ūlangi na rani mo mate, mata nořa hehe vahatea mata rani tari, enia mo sopo lo hehe hin te rani, pani mo mate mata tamlohi hehe matan vara i eři lavířa řa mai isan God. Epena mo mate, pani mo mele turu, mo mauri na suihan Tanumen God.

<sup>19</sup> Ale hin suihana sei, mo sivo mo retivujavu-jangi isana tanume tamlohi sei God mo lo tauri-latira na varama mata mateia, <sup>20</sup> isan la haratu sei la sopo oloolo hin God na pongi tuai sei God mo lo saovira hin rani atu sei Noah mo lo voro na botina. God mo juri na tamlohi mo limaravtolu purongo hin wai tavei tavera atu. <sup>21</sup> Wai tavei atu, enia tovongi matea mata malele paptijo vara i juri kamim usuri na suiha sauteterahi non Iesu Křisto. Paptijo enia tovongi matea mo sopo hoje nařihi na lumi epemim purongo, pani mo sohena ūomtauhi ūhu matea ka lo vaia na ūromimim ūhu isan God. <sup>22</sup> Ale Křisto sei mo sahe na tuka, mo lo tauri na suiha non God na tavaluna, ale angelo peresi la haratu la lo tauri na suiha peresi la haratu la ūlangi, enira mo isoiso la lo toho na ruhuruhuna.

## 4

<sup>1</sup> Ale, matan Křisto mo lavi na rongohaji na epena, ha tau na ūromimim vara ha lavi na rongohaji sohen Křisto, matan haratu mo tatamahu vara i lavi na rongohaji, mo isoiso na hehe, <sup>2</sup> matan vara nake, i pa sopo usuri na masalona,

pani i pa usuri na masalon God purongo i tikeli na isoiso maurina. <sup>3</sup> Matan tauni matuvana moiso, ka lo vai na opoia nona masalo tamlohi ūroho, sohena nora posposi viriu, la lo usuri na ūromūromi lumiha, la lo putu na wai ūilangi, la lo matavuhi mata lavilavi na tinapua, la lo matavuhi mata inu na wai ūilangi, la lo vai na vaivaileu na nora lotulotu vono, <sup>4</sup> hin harihi, enira la verea vara kamim ka tinapua, matan ka sopo mele vano peresira na nora posposi lumiha sei, mo mai sohena wai tavei, ale la lo veresatihi kamim matana, <sup>5</sup> pani enira la pa turu na nahon haratu sei mo tatamahu vara i ari la haratu la mauri peresi la haratu la mate. <sup>6</sup> Varařuhu, matan hinau atu natu, Křisto mo retivujavujangi na Retiřuhu isan la haratu la mate moiso, hina purongo vara la lavi na talai mata mate na epera, pani la pa eři mauri sohen God mo lo mauri.

<sup>7</sup> Nake, isoiso hinau tari mo lo mai mariviti; ale matana, ha hase taurilati kamim hasemim, ale ha tatamahu mata nomim usiusi, <sup>8</sup> hina aulu hin la hinau sei, enia vara ha opoiopoi kamim i ūilangi, matan opoia mo kamoti nařihi na hehe matuvana. <sup>9</sup> Ha roi na imamim isamim hatehateahi, ale ha sopo ngutungutu matana.

<sup>10</sup> Ale sohen kamim hatehateahi ka lavi na otori isan God moiso, ha tuetueni kamim hinira, sohena volitusi ūru sei la lo kilau na otori ūru matuvana non God; <sup>11</sup> vara tea nona enia mata i retivujavujangi, i pa reti sohen God mo lo retireti hinia, ale vara tea nona enia mata i tuetueni, i pa vaia hin suiha atu God mo silea isana, matan vara na hinau tari, God i pa lavi na hasohaso hin Iesu Křisto. Isan Křisto hasohaso tavera, ale suiha i pa

toho na limana mata pongi tari tui tui. Amen.

### *Mauri Rilangi Nona Kalesia*

<sup>12</sup> La tapala ūruhu, ha sopo mařurahi hin te rani sasati mata vahite kamim. Ha sopo hitera sohena hina mařurahi hai la pala isamim, <sup>13</sup> pani ha avulahi jea na rani ka lo lavi na rani ūlangi sohen Kristo mo lavia, matan vara ha pa avulahi i tavera jea sohena hin rani atu hasohasona i pala na naho tamlohi.

<sup>14</sup> Vara tamlohi la veresatihi kamim matan ka lo lavi na hijan Kristo, kamim la haratu sei la pa lavi na leřuhu, matan Tanume mata hasohaso tavera sei enia Tanumen God, mo lo taua isamim.

<sup>15</sup> Pani i sopo tea isamim i lavi na rani ūlangi mata mo ori sohena tamlohi vili tamlohi matea teni te tamlohi vavanaho matea, teni te tamlohi lejileji matea, teni sohena tamlohi matea mo lo sohai na ngalsuna na hinau nona tinapua. <sup>16</sup> Pani vara tea i lavi na rani ūlangi matan enia kalesia matea, i pa sopo mahanuhanu matana, mo vono, pani i pa tahe na hijan God aulu na hijan Kristo. <sup>17</sup> Matan nake, aria i pa tapulo na lolo vaon God tiroma; ale vara i tapulo hiniřa tiroma, i pa sohena sava isan la haratu la sopo oloolo na Retiřuhu non God?

<sup>18</sup> Ale,

'Vara mo ūlangi jea vara tamlohi tatahola la eři  
juri,

i pa sohena sava isan la haratu

la lo usuri na posposi varama  
teni la haratu la lo hehe?"

*Prov 11.31*

<sup>19</sup> Ale isan la haratu la lo lavi na rani ūlangi mata masalon God, mo tatahola vara na nora

hahau tari la tau na maurira na limana matan enia mo lo ūromturu ūilangi tarea.

## 5

<sup>1</sup> Ale matan haratu, na opoia vara a sile na retituetueni isana patu tamlohi rasua isamim. Enau patu tamlohi rasua matea sohemim, na hitea sohena sava Křisto mo lavi nona rongohaji, ale enau sohena a pa lavi na hasohaso tavera atu God i pa vujangia i pa sopo tuai, <sup>2</sup> ha tavui ūruhu mata sipsip non God sei enia mo taura na limamim, ha kilau mamahunira na ūromavulahi sohen God mo opoia, mo sopo matan vara tea mo ngurunguru hin kamim matana; mo sopo mata mania, pani mata nomim ūromavulahi, <sup>3</sup> ha sopo vaia i ūilangi isan la haratu la lo toho na ruhuruahu limamim, pani ha vai na tovongi ūruhu isana sipsip. <sup>4</sup> Ale hitahu vara Patu Tavui sipsip i pala, ha pa lavi na ūrongo ūrongo nona supe sei ūruhu ūuhuna i pa sopo eři tihai.

<sup>5</sup> Ale kamim uluvou, ha ooloolo hin la haratu la kalesia vajiahā. Kamim mo isoiso ha ruru na posposi ūromatano, matan

‘God mo lo turuleji hin la haratu la lo mangisi,  
pani mo lo tueni la haratu la lo ūromatano.’

*Prov 3.34*

<sup>6</sup> Ale matana, ha ūromatano, ha toho na ruhuruahu suiha tavera liman God matan vara na rani tataholo i pa tahe kamim aulu. <sup>7</sup> Ha sile vevuhi na nomim ūromkaka isana matan enia mo lo kilau kamim.

<sup>8</sup> Ha tatamahu, ha lo kilau matan nomim mere-sahi Tiapolo, enia mo lo ūralihi sohena paheu

matea mo lo aleale tamlohi vara i hanira.\* <sup>9</sup> Ha turuhoroa, ale ha turu ūilangi na nomim rasua. Ha levosahia vara voraimim ūalihi na varama sohena la lo lavi na rani ūilangi tinatinapua sohen harihi.

<sup>10</sup> Ale ha pa lavi na rani ūilangi mata makomo rani purongo, ale hitahuna, God mata ūomūruhu tari, haratu sei mo tovi kamim ka mai na lolo hasohaso tavera non Iesu Křisto mata rani tui tui, enia hasena i pa vai mamahuni kamim, ale i pa vai kamim ha turu ūilangi na nomim rasua, ale i pa vai kamim ha ūilaūilangi na mapumim, ale i pa vai kamim ha sopo eři juha na nomim rasua. <sup>11</sup> I pa tauri na suiha mata rani tui tui tarea, amen.

*Isoiso Retioloolo Non Peter*

<sup>12</sup> Silas†, vorai sei mo sopo lo tope na nona retitauhi hin te rani na noku kilakilau, mo tue-niau vara a uliuli isamim vara a pa vere vujavu-jangi kamim, ale vara a vereulia vara ūomūruhu varaūruhu non God mo sohen harihi. Ha turu ūilangi hinia.

<sup>13</sup> Ale la haratu la rasu nike Rome, harasei God mo viřonia sohemim, enira sohena la sohai na retioloolo isamim, ale natuku Mark sohena, mo sohaia isamim.‡ <sup>14</sup> Ha tapatapai kamim hate-hateahi na retioloolo mata opoia.

Tamata isamim tari sei ka tamlohi non Křisto.

\* <sup>5:8:</sup> paheu: Peter mo vere na lion nike. † <sup>5:12:</sup> Silas: hin Greek la ulia hija sei vara Silvanus, pani enia Silas sei tapalan Paul.

‡ <sup>5:13:</sup> 5.13 Rome: Peter mo lo vere Babylon, Rome enia retilulu matea matan Babylon.

**Tangoa New Testament  
The New Testament in the Tangoa Language of  
Vanuatu  
Le Nouveau Testament dans la langue Tangoa de  
Vanuatu**

copyright © 2010 Wycliffe Bible Translators, Inc.

Language: Tangoa

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

---

PDF generated using Haiola and XeLaTeX on 11 Nov 2022 from source files dated 22 Nov 2019

89356e5c-df58-558e-9b27-ae0321adb2df